


成成親政屬言



57319, 78
31125-

天津市特別市
天津圖書館
15331



天津市特別市市立第二圖書館

庚子
舊
日

正
文
類

外
三
本

改試策論議

婺源江峯清湘嵐

廷諭自下科爲始鄉會試及生童歲科試一律改試策論誠謂

時文積弊已深且所習非所用則改弦更張不爲無見而愚

爲鄉舉里選者取士之正制今西人投票法猶存古意然亦百

弊叢生以中國之大行之尤難三代以前已不能無弊何況今

日是以唐宋而後俱憑文辭取士雖曰不揣其本而齊其末然

糊名易書弊端較少且郡邑試定章由廩生出結保其身家清

白猶寓選舉之意於文辭之中法至良也宋元策論漸蹈空疏

有明崛起改試四書文代聖賢立言法律既密忌諱漸多習舉

子業者乃不能以馳騁議論取勝卽今日刻文已夥然人人有

之亦難錄舊縱有傳家文稿而後篇不稱仍復無益士子有挾

持之具考官有衡鑒之則雖積習甚深然視策論之得以走筆

成篇者難易且數倍若夫習非所用則固然矣然捐納者曷習

乎此猶學古而入官者也深潛純粹之文必根柢於經術文體

一正經學自昌無論通經足以致用也卽曰言語政事各有專

長而歷朝文章取士本屬敷奏以言至於明試以功則有各術

門甄別之政固其有文才而錄之雖中貢士仍士也而非官也
天子臨軒試以策論而後官之卽今日改制之意也猶未也又
合各衙門甄別而去取之立法非不密已今貢士考試策論只
視楷書中外甄別人才盡賜及第而曰文章無用也而去之夫
文章試士初無流弊但於策論正其弊察其見識器量議論而
無取於四六空文秀媚書法又於甄別去其弊中外各衙門明
定章程凡甄別員數不得人人入選約以歲計多不得汰去十
分之五少不得不及十分之一若慮其以私意去取各長官於
應甄別人員傳見一二次而密識其高下更試以策論糊名易
書委員堂閱而長官定其棄取其不入選者再各出密識之名
摺當堂覈對註上考多者酌留之否則或降或去如此則仕途
無倖進而長官不得徇私且捐納人員亦一體甄別不能文章
可也不諳政事不可也一以洗儒術空疏之陋一以濟近今捐
例之窮不議及此而第訾制藝爲無用制藝豈任咎哉今既定
議矣芻蕘之言無由上達縱有大臣疏論亦粹難挽回惟望仍
以四書五經命題俾中國士子尚人人讀四書五經不使我華

四百兆人立國之本隨制藝以俱喪則幸甚然而處士橫議亦從此不可收拾矣



方今朝野紛紛言變法舉國若狂有利不十不變之說進者必曰阻撓新政禍至不可測處今之世爲今之人欲其墨守師法難已顧今言變法者第曰鐵路也開礦也算法格致也泰西語言文字也而其爲用則將以求自強夫中國誠弱矣誠不可不圖強矣強弱之數視乎軍政者爲多鐵路以便徵調開礦以濟軍餉算法格致語言文字軍中皆可効用然聖門言足兵必推本於足食民信務農以足食廷臣有言之者民信之政必使

四

民親上死長而後可用然則中國之弱是不講中學之患而非不變西學之患士氣不奮則鐵路所徵調者無用之兵也開礦所濟餉者糜帑之眾也算法格致不能退敵國之師語言文字不能禦槍礮之利變法誠善而未握自強之要也今欲變法宜先變軍法民信之效非一朝夕之故今急欲自強亦不必爲此迂濶而遠於事情之語然信賞必罰大可用也賞何以信罰何以必非大權操之主將一人朝廷不掣其肘不可也然則自強之計其在命將乎今宜令京官三品以上外官督撫將軍府尹

各舉一二品大員可勝統帥之任者一人

皇上擇其舉最多者二三人中心簡一人擇吉行拜將禮一切軍務徵調操練生殺黜陟均歸節制慮其嗜殺也爲之司馬法由兵部議定奏准施行立行軍司馬以主持焉凡統帥所屬悉聽統帥擢用惟司馬由朝廷選派四五品官慮其跋扈也官其子弟於京師陽示寵異而陰以防範焉仿質子之法而莫須有之讒無由進而闕以外朝廷不爲遙制令出惟行凜然不可犯將強則兵強兵強則國強故欲變法宜先變軍法

一曰壹將權以肅兵政 前年日本一役軍氣偶挫朝野上下似有一蹶難振之慮愚以爲

聖朝大一統自通商局開似與春秋列國蜀漢南北朝時局相似勢均力敵兵費易啟勝敗常事不甚關乎強弱之數戰而敗敗而能戰不爲弱惟必不肯戰乃弱中國地大物博生齒冠五大洲豈不能自強所以失之弱者將權輕而士不用命也自古分據之世強國皆倚大將爲重而跋扈之事莫須有之獄亦所

六

時有致後世人主收其權於上而君臣相安甚盛軌也然而國勢日弱外侮漸至統帥不能操生殺黜陟之柄戮一將弁須俟奏咨誠慎刑也而軍令繇是不肅宜 飭下督撫將軍府尹暨京堂官各舉一二品大員能勝統帥之任者一人

皇上於其舉最多者數人中心簡一人擇吉行拜將禮一切水陸軍務徵調操練生殺予奪均聽便宜不掣其肘慮其刑賞之失當也爲之司馬法由兵部議定奏准施行立行軍司馬以主持焉慮其大權之獨攬也官其子弟於京師陽示寵異而陰以

防範焉而間以外 朝廷不爲遙制令出惟行凜然不可犯軍
前立監戰營終處察視勇怯立督隊統領誅斬退走令各將弁
得以誅戮所屬有濫刑者懲之什長雖無殺戮兵士之權亦得
棍責其所屬之十人募兵則統領擇營官營官選哨弁哨弁選
什長什長招兵兵雖潰敗十人不得離其長由是將各有權如
身使臂臂使指將強則兵強兵強則國強自強之道意在斯乎
二曰料器械以壯軍心 西人專精火器童而習之國家以此
爲教士以此爲學我師法西人而欲以勝之固難期諸目前已

七

愚以爲宜一面講求製造目前惟製造未精也當思有以禦之
人情孰不畏死宜爲之籌免死之具使有所恃而無恐海軍驟
難復舊且海戰亦非我所長計惟練陸勇及內地水師依山傍
水而爲戰備參用地道地營之法營外多爲長壕壕外土堤參
差植竹木我擊敵則隨處可以架礮敵擊我則茫無標準且彈
至卽陷不能傷人礮臺可撤去不用免使轟炸以亂軍心兵衣
青黑與草木同色使遠鏡莫能辨前襟襯棉料紙漸厚漸銳層
層加漆使極滑其銳處不受彈稍偏則滑胸前雖厚而不礙臂

膊背後縫圖編號如舊式無以禦彈使不敢回顧陸師列礮車於前用銅板爲蔽虛數隙使容槍或砂袋灌鹽接疊爲壘均可進可退火槍兵連環調換俾得休息或籐牌襯厚棉護火槍以進或籐牌軍節節埋伏一爲敵人所見則跳躍直前血肉相薄負牌於背兩手用刀使彼火槍不能施展水師用小舟雜進船頭置銅板或砂鹽袋雖不能禦礮彈然虛實莫辨測量無準迨迫近敵船彼大礮亦無用再中國擡槍力能及遠亦軍前利器火器交鋒勝負立判禁勿以首級報功視勝敗分賞罰主其事者臨機應變避其長攻其短不與鬪器而與鬪智我用我法或猶愈於拾人唾餘也

三曰清屯衛以濟餉需 衛所軍田本以養兵仿上古屯田之法有事爲兵無事爲農明太祖常言朕養兵數十萬不費民間一錢誠良法也今各軍田皆爲豪強所占有租無賦而固無一兵可否 飭下各省清查無兵之田提田募兵有兵之田留強汰弱均配營調遣一經整頓餉無虛糜且 天潢支派生齒日蕃旂丁給予閒田公家亦省經費

皇上綜覈名實今之屯衛最爲名實不符者也

四曰聯日本以備外患 中東戰後外患迭乘日本實爲禍首
凡中國臣民靡不疾首痛心日思報復顧事勢有難焉者漢昭
烈喪師於吳武侯受顧命之重國恥不報首聯吳歡誠以失吳
好則魏患日至謀國者當權其大也日本與我接壤雖極振作
而財力只此數俄羅斯實爲其肘腋之患伊藤來華遊歷似有
交歡中國之意徂非愛我爲其唇齒相依也虎狼在途行者挈
伴我聯日而因以和英英亦非愛我彼僻在西洋取我土地難

九

於守禦而商務所在不得不實力保護則隱然爲我屏蔽矣抑
更有請者外交之道首重使才專對之員正宜慎選詞亢則僨
事過卑則又招侮邦交所係國體所在博古通今乃能折衝樽
俎似非徒習英文英語爲也

五曰興水利以固畿輔 燕齊爲中原沃壤水利未開致等不

毛仰食東南非計也愚以爲宜專派大員督辦畿輔水利州縣

各有佐貳令其會紳辦理以專責成有水之處測量高下而疏

濬焉畫分經界以爲溝洫無水之處仿江浙引水建閘之法時

其啟閉以備旱澇或驟難舉辦則令富民各於住宅前後開塘雖無大效然苟陽雨愆期則澇可宣洩旱可車戽萬一河患波及稍資容納塘中置筏亦可播遷但得羣相效慕即可逐漸聯絡爲河且水利旣開則界劃溝分戎馬不能馳騁可資險固近畿有一石之收南漕省數石之費可以節用北方民悍使有恒產可以弭盜支流旣多分殺大河水勢則治田與治河相輔邊疆游牧地可資屯墾而寓兵於農卽或土不宜稻亦可種植菽麥薯芋葡萄麻棉烟草竹樹等類務令地無曠土土無遺利夫

十

天下大患在農民少而游民多荒蕪生饑饉饑饉生寇盜水利旣興衣食給足則金玉貨賄可有可無

六曰復農官以勸耕桑 北方赤地千里無論已卽南省財賦之區亦多曠土謂田多人少然游手者何止億萬計無他率作之道不講也農視齊民爲賤則黠者棄焉官不與農相親則近者忽焉今我

皇上廣開農學堂實中國生靈之福

愚

恐堂中人明其理堂外

人習其事尙歧而一也應否以現裁佐貳人員復古農官之制

躬履田疇親自督課視墾荒多寡爲黜陟願農而無田者官給
荒產而科其租無功購備農器者飭取妥保由官借給耕本分
限償還而免其息庶游惰少而盜賊不生

七曰加竈課以靖私梟 各省糜重餉以緝私鹽峻刑章以懲

梟販而卒不止者獲利過厚遂不顧身家性命以赴之也鹽本
輕而捐重官鹽與私鹽成本相去倍蓰牟利者無以加於此結
黨拒捕之案層見叠出籌防籌緝百計俱窮而官銷終不旺愚
以爲莫如綜覈釐捐收數酌攤於竈戶按竈增糧私梟無利可

七

圖自然絕迹私運既絕官運自暢竈戶所出之鹽私梟所雇之
船仍不至失業若慮海濱曬鹽處所散漫難稽然以巡鹽兵勇
酌量設防則防產鹽之處究逸於防運鹽之處可否飭下各
省鹽政檄屬議復酌量施行

八曰平銅價以維錢法 今各直省制錢缺乏疇不知爲私鑄
者之多也以數觔重之制錢僅能購銅一觔大利所在法雖嚴
而輕於嘗試宜令銅作懸市錢爲率以重易重而加手工如首
飾鋪交易金銀器之式銅缺則富者易以銀貧者易以鉛錫銅

以錢價爲準而無所增減再禁使小錢則私鎔者無利可圖不禁而自絕矣

九曰設工廠以起游惰 游手之民無所事事流爲盜賊其始固甘於自棄其繼實無術營生無田可耕者無論已卽有田者亦乏耕本若欲食力而備於人人懼其貽累也而莫之顧斯生計窮矣宜仿荷蘭養貧教貧兩局辦法各州縣就地集資設工作廠選董經理願投効者受之乞丐悉送廠雖廢疾亦量能授事地方匪棍竊賊暨流氓徒人犯懲處後亦送廠工作十人編一

號而立之長一人逸者九人罰傭值分兩三等視其力作而升降焉平時修理街道濬河築堤冬防更柵巡邏等役均可酌撥人夫除手藝雇賃可以獲直墾種荒田可以取租外不足者取諸市肆日捐然一處開廠游匪麇至勢不可行若今天下州縣一體辦理斯無餘慮已

十曰貴里長以靖地方 古稱州縣爲親民官千室之邑其至大者也官與民何所不親今則大邑數百里小亦百里亦惟視藩臬道府爲較親耳其最親者莫如里老地甲官視之如奴隸

鄉黨自好者羞爲之而名不副實民不信從治民者不甚親親民者又不能治也愚以爲宜復古制擇紳民中負時望者充之州縣遇以禮貌如鄉官然役一人以備地方衙門差遣事不先白里長不許訴縣更輔之以宗子之法宗以族得民里長又從而調劑之庶國無莠民而事無不治

十一曰賤鴉片以挽頹風 鴉片流毒中國來源旣不能絕吸食又不能禁坐令中國金錢流入外洋而民生日憊有謂鴉片春末成漿無妨於種稻僅少一麥而利倍蓰主令民自種之議

者內地所產水土和平爲害較輕斷引較易似亦甚善然查各省種烟之地民吸烟者益多且其田一經種烟改植百穀皆不蕃殖上年山西災荒可爲龜鑑計不如從而賤之士吸烟者不列高等或竟不許應試官員吸烟者不膺卓薦民吸烟者別其籍不準捐納貢監及各職銜轉移風氣其亦庶幾乎

十二曰刮泥沙以防河患 水由地中行則治故神禹治水惟掘地而注之順其性是以無患也今乃以鯀墮洪水爲法河愈淤而堤愈高水不由地中行而由居民屋上行矣黃水挾沙以

來上流得建瓴之勢沙不停而水不溢至豫齊則水緩沙積所積雖厚又瀉水而出之而隄根不固禍患無已夫除害者度勢不能盡除則從而分殺之或因而利導之多析支流改道東下誠治河上策然非旦暮能辦攷前代有刮沙之法擬提歲修費數成之一購器試辦刮出之沙卽以培隄或但抄動使沙隨水去以至於海沙漸少則水漸下使仍由地中行斯河患息已

十三曰增捐例以重名器

臣工疏請停捐者屢矣戶部以帑

項匱乏礙難議準

愚

以爲開捐集款不如仿西人印帖稅法歲

西

可數百萬南漕改折所省經費悉數報部亦近百萬數可相準若必不能停捐則莫若增加捐數國家所以奔走人才者名器也以爲貴則貴以爲賤則賤人情必以人所難得者爲榮從前貢監非巨富不可得今則向之欲捐貢監者皆改捐職銜所入猶是也而徒輕此名器擬請一切加重例銀雖目前捐數不無短絀行之日久必不甚相懸然卽以目前計尤員旣裁捐生已少卽停捐亦所失無幾也

十四曰變回俗以弭亂萌

回匪數年一動千戈爲患者屢矣

惟其風俗教化皆與漢異故易於煽動愚以爲欲服其人先革其心革其心先革其面務使服用器物及一切風俗與漢人同婚姻與其慶弔相通俾漢人忘其爲回卽回人亦不自知爲回斯漢回之情通而干戈之禍熄若徒曰柔服而伐叛也則今日之回已隸版圖非皆我朝廷之赤子也哉



五



